

**ՀՀ ՓԱՍՏԱԲԱՆԱԿԱՆ ԴՊՐՈՑԻ ՇՐՋԱՆԱՎԱՐՏՆԵՐԸ ՈՐԱԿԱՎՈՐՄԱՆ ՔՆՆՈՒԹՅՈՒՆ ԵՆ ՀԱՆՁՆԵԼ ԴԵՈՆԹՈԼՈԳԻԱ ՄՈԴՈՒԼԻՑ**

13.10.2014 08:37



Հայաստանի Հանրապետության փաստաբանների պալատում 2014թ. հոկտեմբերի 10-ին տեղի է ունեցել ՀՀ փաստաբանական դպրոցի շրջանավարտների որակավորման քննությունները՝ դեոնթոլոգիա մոդուլից, որին մասնակցում էր 65 շրջանավարտ: Խնդիրները հաստատվել են քննությունից մեկ օր առաջ՝ գիշերը: Մոտ քսան խնդիրներից երկու շրջանավարտ թափանցիկ տարայից հանել են 4-ական խնդիր:

Շրջանավարտները լուծել են 4 խնդիր, որոնցից յուրաքանչյուրի համար նախատեսված է 5 առավելագույն միավոր (անցողիկ միավորը սահմանված է 12):



Պատահականության սկզբունքով ընտրվել են նաև շրջանավարտների սեղանները և նստարանները, ինչպես նաև նրանց ներկայությամբ սահմանվել են ծածկագրերը և շտրիխ կոդերը, որոնց բացահայտող էլեկտրոնային միակ տարբերակը կրիչի վրա է փոխանցվել, ջնջվել համակարգչից և տեղադրվել կապարակնքված արկղում:

Խնդիրները լուծելուց հետո ունկնդիրները գրավոր աշխատանքը տպել են երկու օրինակից, առաջինը հանձնել են հանձնաժողովին, իսկ երկրորդը ստորագրել և գցել են կապարակնքված արկղի մեջ: Հանձնաժողովին հանձնված օրինակի վրա ինքնակայուն թղթով փակցվել է շտրիխ կոդը, որից հնարավոր չէր նույնացնել աշխատանքը հեղինակի հետ:

Քննության արդյունքները հրապարակելուց հետո բացվելու է արկղը և այդ պահից է Հանձնաժողովը տեղեկանալու, թե ով է գնահատականի հասցեատերը:

Ընդհանուր առմամբ փաստաբանի արտոնագիր ստանալու համար ունկնդիրները պետք է հաղթահարեն ևս երկու որակավորման քննություն. քաղաքացիական ուղղվածությամբ ունկնդիրները՝պետք է կազմեն հայցադիմում և վճռի դեմ վերաքննիչ բողոք, իսկ քրեական ուղղվածությամբ ունկնդիրները՝ պետք է կազմեն միջանկյալ դատական ակտի դեմ վերաքննիչ բողոք և դատավճռի դեմ վերաքննիչ բողոք:

Գնահատումը կատարվելու է որակավորման հանձնաժողովի սահմանած գնահատման չափանիշներով:



```
Վերադառնալ $(window).load(function(){ if(typeof $(".fb_comments_count").html() != "undefined" &&
parseInt($(".fb_comments_count").html()) != 0){ updateCommentsCount(window.location.href); } })
```